

II - ARABAKO LURRALDE HISTORIKOAREN TOKI ADMINISTRAZIOA

MAÑUETAKO UDALA

Behin betiko onespena ematea zerbitzu publikoen eta administrazio jardueren tasak arautzen dituen zerga ordenantzaren aldaketari

Jendaurrean egoteko epea igaro eta erreklamaziorik edo oharrik aurkeztu ez denez, behin betiko onetsita geratzen da, Udaltzazak 2025eko martxoaren 17ko ohiko bilkuran hartutako erabakia betez, zerbitzu publikoen eta administrazio jardueren tasak arautzen dituen ordenantza fiskala:

Ordenantza horrek hau dio hitzez hitz:

ZERBITZU PUBLIKOAK EMATEAGATIK ETA ADMINISTRAZIO JARDUERAK EGITEAGATIK TASAK ORDAINDU BEHARREKO TASAK ARAUTZEN DITUEN ORDENANTZA

I. XEDAPEN OROKORRAK

1. artikulua

Udal honek, bat etorrit Arabako Lurralde Historikoko Toki Ogasunak arautzen dituen Foru Arauak xedatzen duenarekin, eranskinean ageri diren zerbitzu publikoak emateagatik eta administrazio jarduerak egiteagatik tasak ezarri eta eskatzen ditu, ordenantza honen arabera, zeinaren zati baitira.

2. artikulua

Ordenantza hau udalerrri osoan aplikatzen da.

II. ZERGA EGITEA

3. artikulua

Udalak benetan zerbitzua ematea edo jarduera egitea izango da zerga egitea, zerbitzu hori gizabanakoek zuzenean eskatu dutelako, edo gizabanako horiek egin dituzten edo egin ez dituzten jardueren ondorioz zeharka sortu delako.

III. SUBJEKTU PASIBOA

4. artikulua

1. Subjektu pasiboak edo zergadunak dira Arabako Lurralde Historikoko Zergei buruzko Foru Arau Orokorrak 33. artikuluan aipatzen dituen pertsona fisiko zein juridikoak eta entitateak, baldin eta zerbitzuak edo jarduerak eskatzen badituzte eta horien onura edo eragina jasotzen badute.

2. Hauek izango dira zergadunaren ordezkioak:

a) Etxebizitzan edo lokalen erabiltzaileei mesede egiten dieten edo eragiten dieten zerbitzuengatik edo jarduerengatik ezarritako tasetan, higiezin horien jabeak. Jabeek onuradunei ordainarazi ahal izango dizkiete kuotak.

b) Arriskua aseguratzen duten entitate edo sozietateak, zerbitzu hauen tasetan: suteen prebentzioa eta itzaltzea; aurri prebentzioa, eraikuntza eta eraisketak; salbamenduak eta, oro har, pertsona eta ondasunak babestea eta zerbitzua mantentzea.

c) Hirigintza lizentzien tasetan, hau da, lurrari eta hirigintza antolamenduari buruzko arautegian xedatutakoetan, eraikitzaileak eta obren kontratistak.

5. artikulua

Hauek ordaindu behar dituzte tasak:

- a) Egindako zerbitzuak edo jarduerak partikularrek eskatzen badituzte, eskatu dituztenek.
- b) Egindako zerbitzuak edo jarduerak gizabanakoek eskatzen ez badituzte baina haiek egindako edo ez egindako zerbaitengatik egin behar izan badira, egindakoa edo ez egindakoa egotz dakiekeen pertsonak.

6. artikulua

Subjektu pasiboarekin batera, ordenantza honetatik eratorritako zerga zorrak ordaindu beharko dituzte tarifak aplikatzeko arauetan aipatzen diren pertsonak.

IV. SALBUESPENAK, MURRIZKETAK ETA HOBARIAK**7. artikulua**

Salbuespenak eta bestelako zerga onurak aplikatzekoak diren xedapen orokorren arabera emango dira.

V. ZERGA OINARRIA**8. artikulua**

Zerbitzua gauzatzen den unitate bakoitza izango da zerga oinarria, eranskinak diotenaren arabera.

VI. KUOTA**9. artikulua**

Zerga kuota izango da, eranskinean ezartzen denaren arabera, zerga oinarriari tarifa bat aplikatzearen emaitza, ezarritako kopuru finko bat, edo bi prozedura horiek batera aplikatzearen emaitza.

VII. SORTZAPENA ETA ZERGALDIA**10. artikulua**

Zerbitzua edo jarduera egiten denean sortuko da tasa.

VIII. LIKIDAZIOA ETA ORDAINKETA**11. artikulua**

Udalak kontzeptu bakoitzarengatik egin beharreko likidazioa egingo du, eta likidatutako zenbatekoa dirutan ordaindu beharko da, ordainarazpen bakoitzerako eranskinean jasota dauden arauen arabera.

IX. TASAK KUDEATZEA**12. artikulua**

Arabako Lurralde Historikoaren Zergei buruzko Foru Arau Orokorrean xedatutakoa aplikatuko da ordenantza honek araututako tasen likidazio, bilketa eta ikuskatzearen gaineko guztian, bai eta zergen arau hausteen kalifikazioari eta dagozkien zehapenak zehaztearen gaineko guztian ere.

X. AZKEN XEDAPENA

Ordenantza hau eta eranskina behin betiko onetsi ziren 1999ko otsailaren 20an. Ordenantzen testu osoa ALHAOn argitaratzen denean jarriko da indarrean, eta indarrean egongo da harik eta aldatzea edo indargabetzea erabakitzen den arte.

ERANSKINA

A) Udal baskula erabiltzeagatik ordaindu beharreko tasa. Tarifak:

- Ematen den txartel berri bakoitzeko: 10,00 euro.
- Pisatzeagatik: 0,50 euro.

B) Udal igerilekuko zerbitzuaren tasa. Tarifak:

SARRERAK:

- 14 urtetik gorakoak: 4,00 euro.
- 5 eta 13 urte bitartekoak: 1,50 euro.

ABONAMENDUAK:

DENBORALDI OSOA:

- 14 urtetik gorakoak: 40,00 euro.
- 5 eta 13 urte bitartekoak: 15,00 euro.

4 urtetik beherakoak ez dute ordaindu behar.

C) C) Funtzionario edo lan kontratuko langileen plaza hutsak jabetzan betetzeko lehiaketa, oposizio eta lehiaketa-oposizio libre edo mugatuetan parte hartzeko eskaeren tasa: 50,00 euro. Diru sarreraren ordainagiria eskaerarekin batera aurkeztu behar da.

D) Udal gimnasioa erabiltzearen tasa: 10,00 euro hilean.

Mañueta, 2025eko maiatzaren 26a

Alkatea

FRANCISCO JAVIER GARCÍA PÉREZ DE LOZA